

荀

河

詩

集

筍河詩集卷三

大興朱筠竹君

癸酉

臨桂呂少宗伯二親年皆過八十陳情歸養

天子詔許之筠以文章辱公知癸酉中春作詩送行

天柱有神人出入從孔鸞進則禮樂治退則孝弟完惟
公帝左右親老天南端十年思色養王祀勞郊壇方今
天子孝九德百行先四環海波中醇厚同醴泉公迺重
陳情悱惻

帝所賢錫之南海歸愛此東王顏乃信大人德無踰赤

子歡

退之三唐高歐陽兩未競非獨文章宗愛才本天性側
聞公所譽出口心莫竟雕蟲技雖微拜手屢揚賡古人
有名言達賢天所敬江河容百川星辰望斗柄况公有
本學好賢乃餘行百年所以樹三鱣何如慶

和璧豈不寶三獻空狂歌遺風日千里其奈服鹽車奇
士急知我况此庸庸何憶昔歲乙丑淬劍新須磨公爲
一揮起光動金濤波九年反故匣深負歐冶多恐爲土
花蝕不見星辰羅張雷忽離別鳴躍雙泉阿何時延平
津爲我風雨過

車馬上西門衣冠盡祖道五石眷榮名二疏托懷寶豈
若宗伯賢况有上壽考朱跗孝易潔黃髮德難老嗟我
受公知文章惟善禱二江溯舜湘八桂搖羲皞怡然歸
山中聰明侍古皓誰留君爽鳳請歌韓終棗

送張方海

方海來我家闖入坐中廂眉目生鋒鏖奇氣怒未闕幡
然開口談雲夢吞其脰我時出相見束髮年過幼執手
日月逃粗記述所遭先生於越人生小山水竇江空慣
見潮石怪生聞吼獨身上禹穴窅石辨理媵下飲伯陽
井丹入水可壽最奇美女山俛首曹江溜夜中登其髻

星月倒景透自喜一試身清妙絕人觀歸來讀書處王
謝親食宿四明萬松濤忽送吟哦湊回觀絕壁上危巢
挂螺祝墮蜜化小鱗奇味理不究淫雨累匝月咫尺絕
糧糗山筍獨掘蕘往往耻饋餽以此爲文章元氣自婚
媾衆人不解字俗書昧古籀豈惟口不理狂走閉門詢
北征到恒嶽元洞無底漏抽身欲下探從游駭相救皆
言試雞犬直下失骨肉羽毛上飛飛恐有妖物守先生
笑而答此是陽氣簇吸實吹其虛至道安得謬十月履
桑乾冰孔失足蹂中流出自穴河伯不敢寇遂升老龍
背更哭仙人樞讀其游趙詩百篇盡奇秀感爾白鳳肺

息子朱鳥囑用結全異交再鳴韓孟後思不如古人詩
書相耕耨幾會潞河東屢別渠水右吁嗟同下第三北
今忽又展禽悼子黜李邵愧我售在古之立言得失固
所陋朔風正感發來告江南走俚俚友之思能不驚別
袖十年淹北土浙水喜可就何必富貴歸故鄉真錦畫
況今佐使者南國靈所豷照海瑟瑟出求林鶉鶉覲才
比霹靂琴不取野火禱學如夷則鏡沈狸失其舊致博
根以大咸虛鑑不繆贈子當自愛羲娥會有候

癸酉九月伯思下第將之湖北從父紫瀾先生學
使者之役也作詩四首贈其行

古人生懸弧曰有四方志子今始南遊尚有大人侍知
子天性真出入視枕被胡爲忠信行見此離別意無迺
子之思親情友同至九年慕淡交一朝翻心醉况子弟
仲思與子真孝悌臨乖累千言十日未嘗離退之美陸
生獨以幾微視如子雖萬里恨不語刺刺

左史著檣杙文章美南楚原木墳索上議論春秋伍其
書失流傳餘波屈宋怒九疑下九江虞夏親仰俯湘竹
泣娥英禹字刻响嘯子今行其地獨身到三古古人所
爲文徃徃天地取每于清明中奇氣自弼輔山河勢中
絕千里復其祖蘋藻富江漢子其爲筐筥

余少爲文章好奇以自憲柳州亦有言知者尤難之持
來與子觀辨若指鼠犛子言文體大空大何能爲豈非
樗與瓠無用成支離比讀子所作快絕天河歛下潤八
柱根上浴三辰輝况今文無實鮮食餓不肥子文五穀
種禹稷救溺饑誰爲告天下一信千狐疑聞古之立言
自得非人欺養之慎勿傷其本在書詩

送子車遙遙感我思漫漫欲尋荆山道痛哭青琅玕嗟
我三獻初再別始一觀子胡怨湘中淚落珠沈瀾北海
雙鯤魚一別天池南去我六月息望子萬里搏天風正
飄飄欲往不可攀歸來十二峰爲賦神女鬢

劉映榆太史主試中州歸途聞余獲舉喜而見寄

次韻奉答二首

三向空山哭棄簪那堪琴碎解悄悄骨無徐甲重興術
灰有韓翁再溺心積寶生光須望氣不材自樹暫成林
翻慙前怯君知我我欲浮君貫鮑金

歲今大比布朝簪使者西行式德惜鹿鹿應難弟子列
懸懸倍切故人心靈蟾許盜能來月碧樹無瑕敢入林
千讀新詩祇自穢美人何以報南金

題宋高宗渡江圖

粘沒夜入天長軍內侍驚告王師分獨騎被甲發行在

直走瓜步江汾天子出奔法垂鑒誰歟畫者真懸勲
當時二帝盡北狩有讐不戴高天雲梁童伏辜彥善相
亂人左右王所欣次於東平望急難自取航海逃妖氛
李綱趙鼎遠安置無乃逐臭愁芳芬格天一德授好佐
金牌十二灰奇勲大書誓表醜天地四海塞耳豈可聞
區區二豎不能制中興之業何足云不知何人好異說
共傳上馬馱神君藝祖子孫王構在天道剝落當繁殷
或者時危托符讖欲以靈怪駭冀羣到今圖中尤刻劃
波濤不動銜朱幘飛龍亂流踏平地奔走魚鼈龜龜賁
回觀追騎盡駐轡欲化罔象頭如獐目張睢盱手摩鍬

天塹羽墮空翬翬前騎投身試江水殺機欲涸江身焚
中渡嵯峨壁幾仞赤日浮動光疑曛足知遠勢自橫絕
筆力可却千轅韞舊聞得之有曹氏外舅寶過黃珠煩
携我來觀我方醉發論驚處雷砢礮題成放筆再取酒
會閱百卷圖千醺

寄芮左樞同年且簡王聲聞同門

朔風衝雪泉州下城門深轍驅兩馬館於樞園夜侵黑
明晨雨聲聽屋瓦思友不得暫出門兩日憂共屏翳寫
東海老龍工聚寶笑兀雙珠照平野王子丹穴出鸞鳳
芮君明堂陳璣聿左樞先生昨招飲况見君家大小雅

爲君心醉酒不辭百杯倒腹黃河瀉當前快意肯言辱
杜陵墜馬徒顏赭君誠厚德如古人我許忘年引文社
祇今中流日波瀾性情不到文章假如君相對卽典型
盡得天然獨瀟灑足驚別宦住歲寒豈恤流徵愁和寡
嗟我告歸留不得相思逐逐車輪輾道經河北問二松
二子與松同不捨乞語王君好努力明歲天都臂共把
登文昌閣讀壁上顧河干師九日絕句有懷仲君

兄

高臺東盡海雲齊爲我移情壁上題留者一毫渠水左

驅之九折蔚州西

時河干師
官蔚州

甲戌

空庭夜風雨寄石君

獨坐傾清漏不知風雨來
寒生入履暫響近隔窻
哀古人思浩渺開卷一徘徊
知爾燈前聽如何蕭索懷

梁太史瑤峯旣畜金魚作詩中一魚且死矣俄而
詩成其魚躍然太史喜曰子詩力也念慈爲咏
其事子亦同作

有神今日信文章殘繪區區術眇茫
細餌未投回味果

物類相感志金魚新詩聊作返魂香
歌成蟹市鞭金腦

食傲攪渣卽死博物志金魚出功婆
畫動龍睛照火光若使狀頭擬樂
塞江膽中有金蓋

府枯魚更不泣河魴

碎玉環歌

或遺筠以玉環佩之六年矣掛于坐上環三分焉愛其勁應輒不勝其情浩然

歌作

白帝夜死金刀紅青天不雲三蟠竦誰遣夸娥割瀛海
短短東南斷羅帶層冰萬里凍不消騶虞刻骨鷓鴣毛
冤魄聲聲詈次非好手美人金盤堆莫教卞子珊瑚哭
百足蜈蚣那可贖忍腸磨出起家姬瓊姊瑤郎相抱戮
泥中小字錦羅毬元元三孫擲玉孥浩歌窻外書魂小
碧肉股痕咽春草

瑤峯太史作金魚詩魚仆復甦子旣同念慈有作

穆齋見和更疊前韻四首

偶坐閒評五采章小盆江海意蒼茫
驚看圍圍橫鱗態俄聽堂堂爭餌香
肯放攬槍作筆勢獨招金碧有神光
從教不數襄陽句但釣楂頭縮項魴

寫生發發碩人章更遣新詩鑿混茫
犀角照人生遁影龍涎和墨死聞香
招魂絕勝三輪血取酒何勞五色光
莫說校人差可使錯疑赤尾似梁魴

說文魴赤尾魚

紛紛霞采與龍章盡入詩人思
窅茫獨活赤鱗功德水莫愁黃鼎膳膏香
長鱸換骨歸千里

金魚有鱗鱗鯉鯽數種鱗鱗尤難

得惟鯽最多

浮蜃游魂歛九光重玩多文遠勝鰈應憐少力

近輸魴

截網撐叉更迭章波濤相失永茫茫桃花馬死爰能活
竹杖龍腥詩自香所喜鬪奇小玉撼未論報得大珠光
更生事美須名理急就才多合姓魴

急就章魴姓
漢有魴山

終軍和劉崇如

奇木上合枝柯空五蹄一角怪可諷天子博謀臣妄對
其文僑俛理蠶夢是時朝廷內多欲文學賢良更侍從
白龍堆外講開置金馬門前據鞍鞚買臣飛飛惹奇鳴
終軍二十百鳥鳳長纓便請越王羈橫草偏羞魯儒誦
豈料王后桑中喜忽來丞相鄒人闕子雲奇童死少雙

千秋壯士生覆衆乃知盛德不佳兵昆岡之玉野火共
翁取降奴盡封侯嗚呼九郡真何用

獲第後呈房師溧陽史贊善先生

水轉懸河宿拱辰同看天上世絲綸燕文許筆方華國
杜律韓碑自鑄人金鎖波投起蜿蜒玉衡雲正媿麒麟
翻思忠厚前時論百感公如六一真

公闈中校文尤亟
賞其論表故及之

送葉同年丹穎歸湖州用淵明擬古九首韻

執手送行人各攀大道柳非畏徑途長但苦別時久平
生感乖離未敢易云友天風忽飄颻難盡一樽酒雙龍
東西飛竊恐遂相負何況新相知此意各在厚轉蓬與

神劍變化亦何有

別離思其始生死亦有終古人訓凶禮敬慎如軍戎聞
子弱冠來高志凌文雄名成未得養慟哭高木風倉茫
赴枕塊欲信詩書窮重爲戒歸楫慎莫傷其中

誰爲招悲風起我四座隅南浦有美人盛意舍未舒寥
寥空天宇愔愔靜者廬金徽間瑤柱離羣而索居中有
鸞鳳響跡絕愁榛蕪子行欲無言我竚當何如

古人不相見隔我如鴻荒讀書勤兀兀去日嘆堂堂放
意學神仙此道誠渺茫文章千秋中反覆同疆場一戰
功不成宿草埋山印每懷杞人憂涕泗空激昂得子真

可語倏忽天一方榮枯等蠻觸何用兒女傷

風雅道所載體製戒不完宗彝有垂裳聚鵠非正冠誰
歎振高調絕世開朱顏無乃桃花人古路知津關平生
想見之夢寐愁無端愧非鍾期耳一發山水彈驚風天
南來泊鳳和飄鸞將子聞天籟豈令盟可寒

粲粲黃金橘嘉樹名在茲玉盤會有托見食各有時世
無堅白辨徒嗟磷與緇所求何皇皇猶豫而狐疑惑君
絕代下汗漫工文辭如何長卿賦未發凌雲思靈鶴厲
清吭懼爲媒者欺豈無不平鳴有道或所嗤芻蕘亦有
言自樹惟書詩

夏雲飛連蜷好風來清和離情不可極請爲送遠歌
渺大江南欲往山水多君歸歲當晚爲寄綠萼華豈不
長相思如此三秋何

結髮抱微尚放歌慕遠遊側聞吳越區奇秀出九州念
子江河歸有美宛中流三年被麻衣未慙壑與邱君家
霽水上清激芙蓉周誰留山人我欲溯洄求

同心臭如蘭菅蒯尚可採飛光更相送讀書在不改野
馬與濫觴可以致山海浩浩遠別離相見倏相待努力
多聞知贈子以無悔

長歌贈吳學士易堂先生

重光協洽時天中大徵羣儒較異同蒲輪四出勸經術
詔先申固後馬雄易堂先生獨抱易手書奏上明光宮
文成日月照九有 天子坐讀怡明聰曰咨鼎往汝

司業命史氏書書一通藏之金櫝壽玉檢禮殊恩異無
加隆當時天下盡想見云是漢廷諸老翁祇今春秋繼
日晷著述天祿燒金釭篇成再拜獻宣室稱善除職躋
卿公余也比來厠後進謁公每擬高山嵩忽持手卷重
授予曰子有母天南東神明不衰秩八十欲以文字祈
親躬異哉公遇世豈有安知壽母顏猶童密聲尋義年
可養宣文三禮今當崇况公家世準德隆諸孫冠蓋追

嚴終乃知詩書足原本母之能教成大功公誠所學不
可及亦由母教爲錯隴於戲安得辟雍置絳帳執經弟
子盡折蓂如公落落布天下坐致四海羣雅風

送王穀原

秋風庭樹鳴催歸郎官陳詞上天扉嚙子有父元髮稀
三年離別顏色違重光協洽浙水暉 帝舟南下激

堆埼羣公同升曳粉稭文章錯落飛珠璣子拜獻頌來
頎頎典冊大手高崔巍 帝曰其文五色鬻千里駿

馬錦勒機廟堂玉佩敲牙緋官之禁省清以徽辭親於
家來 帝畿欲行躡躡戀庭闈父顧樂此朝官衣敢

不祿仕親所唏方今排雲凌朝罪欲上少憇職俎昕歲
歲升斗充餽養以鏡自照瘦不肥父年八十嗟誠希別
初康強今是非曰當歸去其庶幾天街送子驅駢駢子
之至性括與機老父上壽心所祈况聞山水夢依稀雁
宕橫絕連空飛上有萬壑響寸機向來獨往相因依詩
天天巧謝雕幾圖以小幅手指揮今歸更可尋芳菲山
中仙人美南威神明內服道不饑乞此養志多福禱嗟
我無路偕翠微五雉四飛留北鴉美哉南望勞歔歔春
山蔓發草木歲待子至矣相光輝

送張若旃歸宣化

讀子贈別韻感我送遠吟異姓逾骨肉連枝本同林先
慈三女弟姨母尤睦任兩家同京兆中表相追尋自從
偕束髮生小直至今與我兄與弟和美敲璆琳君本名
家子頭角高崑崙中間落生齋子思嗟鼓琴况更遊鞠
凶椿木枯櫛椽姨母稱未亡子泣聲空喑九天傾大厦
一木豈所禁我媿無以濟竭蹶傷於心秋風告當歸居
庸去駸駸羣居十五年天未乖稠衾蕭條惻鳴馬局促
飛簷禽臨當遠別離能不涕淚淋何以贈子言勉爲蠹
書蟬家世盛衣冠經藉恣浸淫無嬉而勿勸學道良所
箴夜夜明月午照子蠟珠妊相見會有期何必勞牽襟

他時學成就來獻赤水琛

東巡大禮詩

皇帝再東謁

陵園奉

皇太后金根軒六官七萃咸駿奔告於

郊廟薦朕膺

詔書旣布歡元元於

皇至孝心所根越十二歲天周輪時當南陸赤日噉

帝發京師闢九門維西荒服絕大宛駭雞眩人來犇軒

曰獻其琛惟璵璠心所欲陳日嘩嚙去其外土歸

親尊

皇帝曰嘻格爾番

列祖

列宗德可護熱河行殿

帝所庖享汝來者醜孔繁上愉

慈官侍盤殮乃以秋駕龍兩轡蹕乎吉林踰山樊皇皇
長白高崑崙潭八十里中飲飲鳴綠三江所發源

帝女天妹同姜嫫生我

聖子暨

神孫王氣納綠連朱敦

帝來望秩配厚坤其極巨海到北鯤石棗神龍外沙洄
千島萬邦沸滂潏歲當王會來法法潤澤

帝壤初胚渾

遣官往莅奠祖樽

皇帝大閱行塞垣守將外臣列千軌邊門二十關平遼
大漠朱纛風續緡廣野忽赤萬虎賁若鷲熊貅捷猱蟻
帝射般首獲其元鳥墮肉翮獸失蹄頃刻萬里雲不翻
禮成功畢

賜炙燔

三陵上謁

躬攀援永矣

四祖德大惇神子羲農齊軒轅與天地則難名言

太祖

太宗六合吞被十三甲玉衣璫大白小白駕神駮手搗
月竈捧日暄於赫功德在後昆

皇帝來謁芘繁蘊以將至愛如生存黃雲下蓋瑞暕暕
萬松髣髴龍蛩蛩寶城之上神光焯億萬萬世猶晨昏
帝車雷動行啍啍格於天室丹鳳窳陳寶鹿角親撫捫
大箭在箠弓屬韃壯士欲挽心蠻螭偉哉

王業留手痕乃御崇政閣

筍河詩集

卷三

古

帝聞龍旂十二日月旛金鐘扣戛聞籥管千官登拜衣
冠掀五服七戎九貉狽蹈舞來贊龜鬪藟萬年福祿歌
梁鴛

皇帝詔曰汝外籛朝鮮謹職來連犴賚以嘉燕侑篋塤
來予父老逮幼最七十以上羞雞豚天府之壤美芑糜
爲勸耕織豐桑蠶免所過租咸飽溫大赦除死民不寃
司寇廷尉皆平反從官晉秩佩組繡金魚玉綬垂幡幡
天下和樂草木茂

皇帝大孝同推恩扶

大安輦來諫諫翠萋華蓋迎金萱日歸告至神釐蕃方

今孝感羣瑞屯靈壽之木無液藪叢生朱草茂蘭蓀慈
烏將子九雛鶴白麟在板文虎蹲醴泉內涌井不習玉
膏暖日滋瑤琨請爲六經上本原

皇帝之德天無垠元氣大孝中昆侖臣謹作詩講德論

送董曲江前輩歸平原

曲江先生稱詩豪相如遊倦歸惛惛嗟我似君同口吃
文擬論語辭反騷三年長安未識面得與後進偕遊遨
那知先生逝將去蓬萊何處乘風濤似憐舊侶重致別
九空吹落鏘雲玻辭清意摯感我耳旁有和者羣仙曹
我獨無端強相屬幾欲放手愁揮毫百讀千回見君旨

碧樓瓊館寒須逃君歸爲我問往蹟平原公子名何高
他年食客心所鄙此日飢走身已勞言旋莫令美人笑
當官要使侏儒號卽今詞賦待大手廟堂司馬軍枚臯
買山尚無二頃秫斗粟且忍五柳腰先生行來詔金馬
大隱何必居蓬蒿

歲除寄遠詩七首

張茂才方海

春風隔江南離索感大地我友昨騎馬去佐使者試君
才金干邪鋒鏑夫容利精芒千盤錯天意愛奇氣夜夜
候火光欲見龍飛出如何莫登城坐令神威廢舉世誰

識寶露及衆驚息嗟我豈次宗欲獻君子佩

徐茂才陽伯

天馬海外來其各爲遺風豈無泛駕慮駑駘安得同我
開古相馬神得忘形容相見識徐子下筆真猶龍精彩
一蹀躞朱鬣光搖空別來九秋春恐有鹽車窮文章自
昭明朝霧焉能蒙請爲萬里行努力誰雌雄

翁茂才韜伯

悄悄者翁生靜如朱絃琴中有霹靂響旁有虎鳳吟金
徽不可見欲往江河深無廼壞陵彈慟哭傷知音蒼茫
古初調獨向空山尋猶憶君去時黃葉初飄零文昌疾

如何思子愛欽欽何時奏鈞天聞者知動心

陳茂才伯思孝廉仲思

伯思雄于文真逸謝近晚有如古仙人自煮青精飯高
鳳旣凌雲天葩欲滋琬相思三楚中忽如九秋遠別來
再逾冬知文如子罕况子有弟賢美質見清琬伯行山
恐修仲去秋未返遐哉雙玉人不見茗與琬

吳茂才礎君

結交豈無人厚意如子少三復平生知真摯永爲好與
君束髮初古人在懷抱相愛逾叔季讀書良可寶於今
苦酬酢末俗多擾擾璞玉與渾金知不貴奇巧古詩慕

泉明似欲學其道榮蘭胡我踈意氣詎難保

葉武部丹頴

衆芳雖歲蕤不若空谷蘭移根南以北思之何可言與
子新相知執手平生歡傾心一醉後去日如風翻鸞鳳
尚苦離金石尚恐寒自從天一方道里且數千美人抱
高義顧我凋朱顏寥寥九冬思願得乘飛翰

仲君

中庭合歡樹兄弟今夕聚伯兮歸自南天真見本素况
喜覲諸郎麟端亦鳳味雜選拜堂上樂此歲云慕懷哉
我仲君書來意諄注四年濟水南懸懸日遠慕不聞離

別多努力愛良晤何以厚性情相望而達曙

乙亥

姚念慈以樹根所製天然注見贈黃慎衣以碧色
窰酒卮見贈且索詩各作長句一首報之

天然之注何處得姚君遠自滇南求規模奇詫來萬里
不與法物陳商周君言燃邱刻瑪瑙入龍碎首羣鬼偷
神血凝成以手把凹凸全未經雕鏤我聞月支抱奇寃
顛骨枯朽形容愁千年飲器化墨注乞命文士爲誅讎
荒唐衆說那可信欲以理解難根由君乎殷勤肯相贈
誰與剖此心煩憂退之藤杖竟何異屢恐飛電空堂搜

持此几上百回玩頭角略具須雙眸吁嗟小物寓至道
天地闊遠生殊尤研山古瓦不可識靈怪必有雄文酬
我詩豈足彈壓此君子之惠當長留

右天然注

昨冬飛雪深巷堆剝啄日暮呼門開良友知我喜斟酌
贈以酒器光金罍得之一醉六十日春色逃去難追回
感君嘉會把故札尚餘詩憤須敲推自從錢氏盛燒進
當時秘色尤奇哉汝窳邵局等過眼雞缸已發前賢哀
君今贈我何所似深碧淺綠真瓊瑰翻疑山光遠翠入
直取天際新晴來自携痛飲肯釋手愛此清膩無纖埃

卮旁滅沒小螭見心怪虺影來空杯蠕蠕屈伸那可制
竊恐得水招風雷不知陶氏勸飲者欲吸瀛海吞蛟能
大呼浮我作長句君不肯和行來催

右碧色窰酒卮

長句贈姚稽川用王禹卿韻

姚君新詩如美人明眸一顧心自動有時放意恣怪奇
忽竊寶文出禹洞小篇百讀愛婉麗長句千過駭清縱
細思雄艷兩不爭西子要離恰須共憶昔看花憫忠寺
伯思兄弟騎聯鞚訪君舊榻君南歸晝不相聞夜屢夢
安仁風格空長思聖俞詩篇勞數諷那知昨年試禮部

相逢一笑當儔衆一缶我獻有當瓦萬木君遺大厦棟
高懷早自視浮雲鄙人許共和清弄祇今更喜街衢連
相過毋教風雨空碎琴肯索市人知換酒須來狂客誦
君有散帙詩百篇篇篇欲挾天風送次山作頌自摩崖
子雲草元寧覆甕無絃已見子情移善射非關爾力中
當知內得馬卿傳何取多岐楊老慟古人文章信垂世
豈以虛名要實用蒼茫寶氣上九天四瀆效珍五嶽貢
方今離明正朱雀况子交遊盡白鳳九臯響過聞胡遲
五采翼成品始重曰余古好嗟大愚不顧今非未定痛
文多束筭轉成慚曰去隙駒祇內恐請撞金玉上本原

莫注蟲魚供役從立言與子發鯨鏗餘事何妨聽蚊鬩
劉崇如侍讀見和長句二首次韻奉答

樹根作注如怒花中無至寶勞排沙我詩偏強豈似此
自喜放筆相交加風雨欲來旁吼竅蛟螭不動中藏窟
求之無端未可曉羣狀百怪生杈枒美哉君詩入人意
爛漫萬片春開華支離枯槁非所喜胡爲聞此重咨嗟
信知才人心好異目所未見口已呀詩來謬說此何好
安得玉蝓求銅鴉頗疑小儒思發塚豈非拙匠偏指瑕
終朝采頤嗜龍肉不如鋤菜烹新芽支機可致候海岸
無日得上飛仙槎心知此注最完樸斤削欲下虛空遮

天然几案見突兀淨洗筆墨辭浮誇雕鏤掃除補綴絕
永永自式藏於家敢發詩怪我畏嗔君言過大毋乃夸

右樹根硯滴

步兵醉便卧酒家蛾眉不避無驚嘩亭長夜行或被酒
奮劍直斬當道虵古來文章與豪傑浮以大白神尤佳
嗟君對醜胡不飲強以筆墨爭自夸譬之甚旱乞靈雨
空有萬段鋪天霞雕琢瓊瑤種爲樹中無生氣無由花
平生最愛孔文舉辯駁禁酒辭紛加君乎規我視銅雀
上有鼓吹施絳紗我今得此碧色醜索飲一似道嗚夸
安能齷齪學仲子只解鯢肉門前哇聞君好道何日得

天酒一斗非丹砂

右碧色酒醖

稽川見和長句疊前韻奉答

雲平月白天高秋光如明鏡浮水動寥寥六字清心魂
想見飛仙窈窕洞美哉良夜懷佳人酣歌答我憐悽縱
相思三日若不聞清角流徵那得共今夕過君讀君詩
到眼橫飛腰褭鞵梅華翠羽曲未終慙恍似到羅浮夢
君乎才調真天然携歸不置連宵諷何來傾國余目成
便欲棄甲夫口衆憶昨弱冠勇爲文自闢門庭樹高棟
諸君人傑方同堂和古酬今等戲弄共說岑參輒好奇

頗類張騫敢鑿空幾年感病傷別多得句無人只自誦
每當佳節一寄遠忽忽日月吟聲送如今讀書漸趨拙
自謂汲古當抱甕愚公有志或可成竈也多言豈不中
况復山陽近歎逝

謂孫汝昂
郭鯤甫

未聞鄰笛淚已慟文章不

復能自存候蟲時鳥真何用我今得子慕愈刻有遂虛
名附王貢羣魚發發孰真龍衆鳥啾啾此孤鳳當知不
文莫行遠要令有物須內重君方猛氣古何難我已折
肱今覺痛萬卷直破非其愛六經不約竊所恐千秋作
者李杜韓誰起九原吾請從偶然放論還自嗤與爾聊

爲鄒魯問

吳來節婦蕭山人初十歲時母疾革祝天割左肱
和藥飲母母疾竟愈年二十歸山陰吳弼元凡
七年弼元客閩以死節婦夜夢屋梁墮地方心
動已而問至時孤壽國生三年矣庶姑且老節
婦事庶姑盡孝敬撫孤有立鄉里稱之

自古歌忠孝天性由少成三讀來女事令我久歎驚眷
昔甫十年生小真孩嬰如何母病漸痛慘急所生引刀
斷寸膚呼天心自平奇行親不死偉哉感神明嗟峨曹
江上餘恨弔女貞投衣殉父後空有崇碑名

其二

皇天至仁愛惠迪無偏私孝女當有行誰令忽稱接中
夜夢棟隕鬼神其告知努力奉君姑藐稚獨提携辛勤
幾十年自勗君子思靈兮或歸來亦有麒麟兒天運理
必周得報胡已遲感此節行真爲善以自持

呂魏節婦

宋後人理明女子多奇節餓死事乃易辛苦嘗百折皎
皎雙青娥夜夜泣到血行行六七十星星髮霜雪其間
創大事想見侔古傑不然先人祚何以無杌隉感此干
低回每恨敘事缺世無馬與班筆墨空哽咽鄉黨不能
詳其家不能說百年如風過草土沒古缺我聞呂魏婦

新嫁與夫訣七十是今年行與天日烈其家徵詩歌意在傳不絕我欲訪晉士書之鑱截巢累日聞瑣屑大行何揭揭

蕭山王曹王何二節婦

娥江流千里上下清且淪淵淵王氏母苦節先後聞其先曰曹姬五載喪所天磨笄呼空蒼乞命哀無門回身提藐稚忽惻姑老親義重死不易制淚供晨昏遂令黃髮姑失子忘酸辛後者王何繼椒音配于先遵函稱未亡翁老空有孫近嗟耄與悼兩葉惟嬖身遠慕我王妣高節敢不遵黽勉存門戶庸行莫躋難臆哉二奇女乃

出三世間皇天無偏頗惇慘宰斯人孰云令各報厚薄
固已均不知彼婦德欲使五教存史遷死千秋莫與懷
清傳感此爲歌詩後世知其賢

送周中允前輩奉使琉球四首

南風下飛濤壯哉海外使峩峩獨周公拜 命此將事
是日上都門同官各洗觶小別青鸞羣新服赤麟賜想
見天人儀平生丈夫志公親承 帝咨南極遠傳示
九天星宿行乘槎渺遊戲三獻酒可起萬里國且至

皇帝御天下表海內外同文德與武事左右從雨風南
徼鞭狂虎西陲豢癡龍恢奇過王會于物何不容眷彼

琉球邦其王世恪恭

天子嘉有命發使海南東知

公持節到膜拜神降空其國久蒙化重爲宣

上功

頗聞海客談荒怪十五六王者有神靈往往通四瀆船
開初不前水官朝其族中流滌千里夾濟雙鯨腹有時
颺冥晦大地斡輪軸海妃化金鳩一髮光可逐感通信
呼噏雲日訝明肅吞舟山負背五色雲掛肉其餘萬怪
狀事事出耳目前賢汪與徐紀載稱實錄公今爲此行
博物比華璞况承 聖人命百靈走匍匐風平波不
動蚤夜布諸牘絕域徧輜軒更可問風俗書成歸石渠
山海不足讀

先生臨當行高調吟清詩長安萬口傳若送空天颺和
者數十人金奏間羽吹嗟我豈有能蹇足追狡狴所愛
三峽句百讀無休時聞之內重者無遠近險夷三復古
名賢其意良在斯獨無幾微見益信昌黎詞何以頌先
生王事惟驅馳

丙子

易水行同賈雲臣龔鑿戍作

荆卿立意不欺志太史作傳爲垂名那知茫茫數千載
好事猶歌易水行當時李斯佐秦國厚財利劍諸侯屬
燕丹亡歸亦英雄天爲雨粟馬生角漳鄴雲中兵檄至

欲報秦讎成大事鞠武發策異常談田光得士羞強意
督亢地勢圖中收函封已致將軍頭不須上殿見匕首
祖龍卽死夫何憂遲客徘徊更治裝誰與欲先秦武陽
壯士一叱去不顧白衣相送風悲涼咸陽九賓如傀儡
稚子色變顏不改奇功竟使藥囊提沈智翻來琴女給
嗟哉興暴非天道此舉無迺太草草自分試險虎狼都
豈圖速禍兒童黝斯人慷慨良足陳豎儒但以成敗論
酒徒筑客尚如此令我長嘆思古人

記夢同賈雲臣龔鑒成作

昔我夢爲天台遊上有朱闕雙雕鏤溶溶月魄光照戶

危嵐峭壁當高秋折東而南古路滑石室旁列千間幽
仙人不見木葉脫空谷發籟聞飈飈我時摳衣屢排闥
閃爍法物非今侔案前之箸異竹玉神環九道中連鈎
頗怪懸磬人不擊感應玉虎聲相求幾爲揣索主者至
龐眉丹頰清瞳眸授之環筋百珍重告以可測天輪周
詞終別去故路失送我雲物凌空浮東望蒼茫羣玉女
飄飄萬態天姿脩嵯峨亂石奏簫鼓入耳一勳千年留
覺來惘慌祇自詫到今無夢空悠悠何來相遭龔與賈
二子夢瘳真予儔咄哉賈君夢險惡豺虎後路先貔貅
哀壑巴蛇吐頰舌大樹欲壓啼鵲鷓杖屨醜狀森相向

君乎寄命將安投，仰面神人坐飛闕。回身忽失諸驚憂，不知飈車何處到眼前。瓊觀金銀樓層臺，手攀身暫上天梯。無故空中抽神樞，上闔儼清閤。牖窺靈寶仙官愁，瞥然一麾落千丈。東方謫去崑崙邱，龔生龔生述爾夢前身。爾是青玉蚪，中夜魂魄生羽翼。飛行傍月嬉維陬，俯窺大海正深黑。搏桑影動天鷄鳴，麒麟百萬負怒浪。鞭笞五色如驅牛，海中驚起金蜥蜴。佐以雷電光螭蟻，盤旋直上勢不定。下屬屋角藏其頭，形模變化黼與黻。左右歎出風，翬翬子所夢見。我能識清風之頌，文章休。嘻此靈境迥奇絕，人生幻想誰能酬。三山峻岬惡風急。

欲溯舊夢無因由仙之人兮或可致與子共載沙棠舟

送全侍講出使海外

日光遠上扶桑津海諸侯國咸來賓三山南北久一姓
琉球職貢稱陪臣前代初通遣給事沉香寶馬輪奇珍
國家受命益恭服比年輒至期何頻每聞朝覲肅上禱
候伺二至晞風輪曰惟中國

聖人福平踏波浪知威神乃者其王告嗣立請

命上表金堦陳

天子嘉遠爲發使錫之冊命印以銀皇皇典禮寵海外

全公應

詔真其人卽今威德過中古四至所極方物臻俘繫絕
域告

廟社不矜遠略惟明禋周書王會尚掛漏直致玉虎金
麒麟乃知

聖人格無外星宿蕩漾環天辰中山近在海門戶出入
計日周冬春先生此行卽萬里意氣似欵東家鄰奉持
詔書宣

上意蹈舞大長同臣民偉哉威儀驚屬國壯遊不負平
生真禮成報

命上袞服歸來再拜還娛親

羊山引爲山陰東浦朱貞肅女作也東浦朱氏女
許嫁羊山徐氏子溺死女往其家十年而嗣未
立女死謂之貞肅女焉

士死於水河無神貞女之夫天所聞夫雖死兮夫之身
墨衣辭家兮去二親往事舅姑兮晨以昏嗟嗟十年之
不一日兮夫無嗣人命之窮兮逢余夫死之辰生不相
見兮死而合魄與魂

晉之水爲張毛節婦作也節婦之王姑毛姑董三
世以節名大興朱筠爲作晉之水行

晉之水可飢可飢乃可垢晉之石能言能言在不負古

有二忠臣今有三節婦斬斬三節婦光於嬰杵曰
日昔於王妣自余之先姑三世於余身天乎喪所夫林
間之黃鵠早寡將一雛余欲不鵠如欽哉三世劬

葉丹穎同年來都別三歲矣喜其至作詩未脫稿
明日犯雪奉訪不值跡其所往到吳雲岩前輩
家徑入相見劇談至漏下迺各罷去復成一首
並前詩書質之丹穎余與丹穎離索久於此事
無所增益徒道其情之不能已者丹穎其不以
余之不學將落而棄余也

在別苦無期既見覺未久思子何可言今日意乃厚天

寒向北來所畏風力陡子行誠艱辛相問更執手顏色
喜如昔謂我氣可取平生敢大言勸學當不負與子同
京華故書要速剖况子才富美十倍我非偶古人盛風
雅茫茫在嗣後所聞約六經未獨謀五斗一爲內足言
汗背真自醜我論何太迂作者骨已朽不如今歡會且
盡一尊酒飄飄相知初日月去如走感子情款實無以
報良友

我本歌四愁美人思如擣子來我不往風雪滿官道凌
晨起擁被不見日出杲出視天周圍勢推玉山倒已恐
屋檐壓漸愁階砌縞念子昨來時津門雪懊惱寥慄親

所更咫尺隔相造
沉吟天欲暮驅馬出上阜至門忽不見
從之百縈繞古稱二人心臭味比芳草
我情何至此欲陳不自了自從離別來
會見安得早便當日相過永致心所好

丁丑

覺生寺大鐘歌恭和

御製用沈德潛元韻

秋原驅馬如遊龍
探幽忽驚落照紅
同行來訪覺生寺
要觀法物圖妖凶
中央鉅閣仰極目
四周巖合天圍同
崎嶇百折到閭闔
呼吸上蓋雲霞封
下瞰連紐蕩魂魄

一木何以懸神鐘鐘成八萬四千石其高幾丈鎔青銅
旁書華嚴上梵呪筆力刻畫如刀鋒空疑玉階藥臼覆
形模怪大難爲椿又愛此書鵝可博不學奇詭誇烏虫
豈知鑄自永樂歲皆云道衍心憐忠北平邸開髡髮進
秉忠入夢何重重詭詞白帽獻王子技癢兵法非談空
當時朝臣誰士爲謀人骨肉除強宗湘藩入火事較慘
詔責旦夕來燕中此髡躡躍乘事會妄言風雨飛龍從
殺機先發約能玉九關夜克兵威隆入市相人出祭灘
往往左道驅狂蒙金川竟斬孺子遜天之所壞寧謀工
忠臣同日死炮烙方鐵浩氣吹長風奈何十族善人戮

奇禍不獨墟天官乃知此髡能作賊反覆九有由其胸
勿殺孝孺徒誑語坐視斬刈麻與蓬區區鑄此更何爲
欲以佛語銘私功百年事往剩遺器發聲時一驚羣龔
大林景陽不可見此物亦是蒲牢雄西郊閒眺一懷古
萬壽樓圯迷前蹤自從 世廟更置此千人輦致

傳兒童今

皇作詩刻石上振衣再拜心肅雍古來

至寶或滅沒嗚呼安得如爾之遭逢

張方海龔鑿戍見示所作通州開平常忠武王廟

歌和以長句

高齋坐冷羣書堆日光倒屣如烘煨盈盈潞水寄我札

快意先向題封開中言城南遊興美郊原連步搜莓苔
開平忠武昔遺廟長歌見示何崔巍當時異人誕淮泗
紅羅天降同郊祿將軍夢寐感真主金神擁盾呼頻催
遂偕中山佐帝業鞭麾豪傑驅嬰孩采石長矛天塹入
康郎大翦封豕摧艱難左右百靈懾勇氣所向先風雷
龍江禡牙議北伐曰擣心腹除根莖中原半下纔匝歲
聯翩勢壓河西來將軍金鼓自天下大都已破師西回
奇哉擴廓亦倔強回首通郡連盆埃將軍奇兵將九萬
間道直抵黃金臺千騎八伏日三捷開平夜拔逃龍媒
象輿玉輦北荒去手闡明祚有八垓功成百戰柳川隕

血食此土真宜哉于今草木幾榮落廟貌侈剝空蒿萊
國家至德享厯代歲歲典禮陳樽罍鑄金作配尚不餒
刻木遇盜嗟何災

廟中神像舊以沈水香木爲之
土人云盜搜之去幾十年矣 諸君

殷勤弔古跡每到空濶心低徊兜鍪擊劍儼儀衛英姿
髣髴張眉鬚百年太平遺事盡何況隔代誰能該空勞
奇句發遠嘅開口一試噴瓊瑰我昔遊潞恨未到不向
碑字捫奇佹城南舊遊盡高舉十年詩老人崔隲祇今
一篇更鏡絕莫犯俗目防驚猜明鏡頻眺勉相和慙愧
筆力非雄才

哭同年龔子鮮五首

死去可如何子死吾未解劍銳必摧折蘭香必銷改至
美天所奇識面心已駭怪子氣無前欲死干夫餒龔生
天天年入弔淚如海

聞者尚神失何況骨肉親知子北堂上初見白髮人二
親未衰老已賴扶杖身感我與子善聲咽語每吞死者
如有知何以慰子魂

憶昨歲癸酉送子詣婦翁相將贊鳴雁千騎飛如龍五
年走哭子無子空房櫳亭亭青琅玕手植猶庭中不堪
玉人泣枝上瀟湘紅

子有令弟賢抗志甚清激寒冬卧棺側長號向四壁勸

嫂無苦淚恐增大人感天性見古人如此那可覲我欲
相過從不忍聽鄰笛

過時悲不歇想與子初遊棘闈我盤桓

壬申三月余應
順天鄉試與子

鮮同號舍
始相識

薇省君遲留文章上虹氣爛爛雙清眸持圖

索我詩其意在聽秋破琴不復鼓思子山水幽

詩河詩集卷三終

笥河詩集卷四

大興朱筠竹君

戊寅

古詩爲項孝子爲楷作

歎縣卉山高坡坳有項孝子廬其阿孝子白晳毀甚痲
送母來葬攀靈車母棺下窆臨深窩呼天欲從奈父何
旣封不忍辭薜蘿兄奉父歸弟留斯與母魂魄相依過
此時孝子年幾何十五不足十三多山荒亂塚如磨牙
白日下落號飛雅長林深墨逃金波啾啾百鬼來紛拏
孝子夜讀慘不和哭聲四應山館訝或時雷電光相劇

石根欲裂天傾河魂兮四往誰呼些孝子伏塚身周遮
曰母勿恐兒護呵日日不敢去母遐忽見山木三萌芽
心所自盡匪由他哀餘禮止來還家事父思母天無涯
我聞孝子行旣佳天乎無母平何跛我所思兮在蓼莪
馮孝子錡浙江平湖人父容死大同孝子聞赴卽
日走迎其父柩艱難萬里旣得歸葬越七日一
號而絕其子溥爲作圖以紀實圖凡四幅曰重
關徒走曰荒村露宿曰長江反風曰故園歸葬
嗚呼觀其圖如是可知其真孝子矣爰爲之

詩

危關古山中雲勢鬱嵯峨其間何嶮嶇百折艱難過蕭
蕭麻衣人跣足來履沙長號收父骨萬里歸天涯拔蒺
中我肉啣石張汝牙兒不視親歛敢言辛苦多驚心聞
赴日此恨當如何斯人一匍匐行路爲咨嗟

朝行朔風發暮行寒月靦煙火望傳舍櫬入辭不受父
體在中路兒思暖處宿父魂在中野有屋兒思覆念此
慟五內背汗忽已透霧露兒所甘夜夜守父柩夢中見
父哭哀聲答清漏天明告僕夫扶持慎顛仆

漫漫大江水波惡纜不得天意發竒孝飛廉助江力南
風爾何怒萬艘失顏色北來一葉舟中渡櫬倒側此時

孝子心慟哭報罔極回首天風轉出險纔一息世路苛
純行秘怪馴好德真誠理足恃孰云不可測

水行兼芟舍遙望見故園父死今暫歸兒生敢自憐六
親驚來視不識平生顏拭淚起北望念子行邊關孝子
再拜告我行事窀穸先人松楸側手鍾安父棺傷哉葬
事畢七日殉所天子心復何恨請表死孝阡

送吳振聲之揚州

潞河嫋嫋楊柳斜秋風起兮客還家欲還未還揚州去
就君爲問揚州佳君言揚州風景美樓臺照曜平塘水
琵琶夜撥晨吹簫艷歌妖舞爭矜高更權輕重致富貴

列坐往往橫金貂君遊其間心快意飄然一瞥如奔逃
曰有老親各南北壯年無檄空爲客束裝買棹路何難
有錢入粟官可得豈料金失漉空囊竟使米貴無居宅
重來馮婦虎欲笑縱是燕生鴟恐嚇君言欲罷嗟蹉跎
勸君莫嗟爲君歌揚州柳色周城阿舊遊好在頻經過
絲絲拂拭吟以哦豈如綠浪沿湖陂堂前燕來穿枝柯
飛飛日暮還其窠富貴之樂無此多君乎思歸可奈何

巳卯

題畫偶作

暮春三月江以南花間鶯語如私譚樹深不見客往聽

爲携斗酒持雙柑我聞古語久心醉夢想見之醒尙愁
今者無端對圖畫令我坐卧心猶探大江東流別以三
吳松以往多空潭沿溪曲折水痕長波光淺綠天深藍
此時早暮漁艇入螺髻洗淨明煙嵐迴洲緣嶼乍近遠
吳歌所至音誦誦蒹葭芽抽楊柳曳四面蕩漾春初酣
我幾涉江茲未到恨不載酒傾十甌人生刺促那稱意
百年鼎鼎長懷慙

上清含象鑑詩

含象之鑑星雲交環以八卦橫三爻上銘天下日月
辭嚴篆秘牙不聳云是天台司馬鑄有唐中葉闡于朝

藏之寶函題國字永照叔世祛靈妖開元歲終天寶始
乾坤昏墊人神消千秋金鏡夜半失海棠變魅蝦蟇跳
鞞鼓揚塵魄正晦金戈回日光還朝當時此變豈天醉
誰擘天眼開重宵不知此鏡懸帝所照澈四表窮秋毫
有人持月攝魂魄啾啾萬鬼難藏逃忠臣百戰翊唐運
此鏡不與分功勞被褐道人道行高來索靈寶千里遙
玉京秘笈手紬繹出遊獨與神物遭徵圖據典廣博合
芒色上貫天招搖收納懷袖祝神護恐有幽怪來爭標
持歸把玩示同好欲使異事傳歌謠韓歐死後幾百載
剝落石鼓鏽寶刀嗟我遇此豈易得恨無筆力相籠牢

經時迫促不措手歸流忽待雙飛舫子行莫持照江水
坐看呼吸連天濤

題冒雨尋菊圖

風雨逼深秋黃花在遠路渺渺山中人隱隱隔烟霧金
彩燦清光綠葉凝涼露所懷中通理每恐顏色故我欲
往求之蓑服更草屨霖潦况連朝契濶苦相慕誰歟爲
此圖浩若白衣遇雙童相扶將去去不延佇美哉泥濁
濁幽尋絕園圃寒涯落英滿蒼茫日欲暮勸子以夕餐
晚節敦乃素

題介少宗伯太常寺仙蝶圖

太常寺蝶仙與通蹤跡舊傳百歲翁
吾師下筆所親見
開卷靈氣排雙瞳
摩挲平淨三尺練
冷然竟卷清飈同
昂鬚翻翅態栩栩
鏤刻金翠形模工
時當戊寅祀

方澤吾師齋閣偕羣公
祠官走告仙羽下
瞥見光景來
雲中盤旋良久下
迎筵凝然不動旋
飛翀歸來握管試
刻畫點綴山石花
枝紅粉墨閃睽神
彩動捫手我欲搜
冥蒙羅浮高高兩
山頂神仙遊戲顏
嬰童騎使百物倏
千里如輪大蝶超
神驄土人探崖索
鳳子危石下掛山
巉嶮春深温室出
參養人間不住歸
高穹未如此蝶獨
竒秘巢居寺閣形
虛冲年多歲久識
人意聞呼下應嗟

何聰更聞 天子肅將事其羣三兩遊虛空一郊四
享徧羣祀每導翠鳳先飛虹太常其屬兆福應來入庭
院翔西東乃知此蝶足靈氣百年清闕依 壇宮方今
聖人法祀典明察天地和雨風禮成樂作四靈豈所在
咸若臻昆蟲吾師伯典佐夔奏此蝶感應伶倫筒岐行
喙息總致用一物亦識道所虛偶然寄輿成藝事筆墨
造次叅元功請屬金檟題玉檢圖繼瑞應傳無窮

送石君奉 使往祀衡岳

天晴日出客欲發使者乘傳去何疾衡山道遠 命祀
虔令我行坐懷契濶與君年各三十強生小相將未離

別初夏校土河以南晨夕憶之近三月卽今往返萬里
餘臨岐時候况風雪湖水連天山繞雲想所經歷思飄
忽翩翩旌旆夾道旁觀者與我同踣頡遲君行矣望白
雲此後王事多涉跋匆匆一樽良足思莫忘夜讀初束
髮

庚辰

石君之官福建旣發數日作詩寄之

倉卒忽南北執手難爲辭百端在中懷生小相扶持何
圖今出門浩浩會見期 王事界爾身奉 命爲

監司生兒擁四馬榮名良在斯小人重離別且復言其

私

陰陰庭前槐纂纂屋外棗與汝長大來出入無不好今日送弟行獨我坐昏曉堂上有老父諸兄各相保連蟣白雲飛知汝引領早方舟此行役眠食慎遠道

束髮讀詩書先後登詞場 天子試汝政謂汝能文

章吏治本經術八閩從此行側聞老常公得士先歐陽海上羣珊瑚拂拭生輝光從容問疾苦庶幾古循良

連朝坐起頗思亂誰能剛翻恨臨岐時揮手不成言聞弟十八發宛在水一灣弟行苦病目別後無憂煎明月一共語陰晴忽無端莫令夜雨聲感爾篷牕邊

辛巳

辛巳三月六日入貢院是夕有作

三春朱白爭芬葩到眼不挂空交加清晨拜

命午

門出宗伯陪宴斟流霞登車連蟻東向去試院夾路人
周遮對此誓欲洗淨眼所恐毫髮今偏差入闈頗類雀
借屋升堂未試蜂排衙諸公東西走相揖向晦入息無
喧嘩我亦下帷啜香稻少選送客烹苦茶周遭四壁字
無一五千撐腹紛杖屨平生辛苦說知己八年過去心
非遐今宵官燭更相照舊巢死在燈搖花柝聲漸起催
就枕清夢欲到羣仙家耿耿不寐初五後窗東鉤月西

歎斜

辛巳九月念九日仲君四兄生辰拜墓有作筠未

與俱次韻奉和

今春事分校展墓猶去年秋來復未往日月如飄烟西
山近郭門驅車良非難時時苦人事不一緣其巔側聞
古窮人每呼母與天我今日處順百感亦屢遷波流逝
滔滔竊恐迷其源兄今以生日去拜墓上田夜卧母墓
傍一發劬勞言人生有本性感我長泣然鬱鬱我松楸
兄弟如枝連請誦蘇氏記無忝西南泉

先墓西南有水
沿山而下至墓

前淳洞爲泉始南東行冬夏不
涸故舉藥城墳院記語以相勗

壬午

聖駕南巡恭紀

五言古詩一百二十韻

皇帝御天下二十七年春敬奉

皇太后三巡江之南先歲方祝釐

聖母壽七旬正朔日月星璧合珠相聯二五示嘉瑞長
至迎良辰

皇帝敬拜受

聖母福自

天

帝時淵然思自西極率賓曰予宅四極履方而戴圓

天以全付予予撫天下民獄公暨瀆侯受職饗百神佐
子養萬物亦莫不安全感維西北闢河海東南歆三江
財賦滙鉅億民生存子茲奉

聖母非惟娛

慈顏是用急民事指畫躬所親乃諏吉丙午

帝車正指寅赤燉燭翡翠殷殷出天安青膠睨白麟左
右環勾陳百職夾卸砌踰瞻

帝南巡下土萌慕思三得見

聖君赤畿直沾越青壤靈巖捫聿以歲二月黃輿導

金鸞巨靈與支祁河淮伏不喧

帝方乎大江浮玉標琅玕中流瞰南北水奏元珠濺綠
霞柳淨郭香海梅菜田六代松蔓瀨三吳劔激雲遂自
揚入蘇舒景中春爛三月朔

幸杭明湖靚嬈娟竹宮翠

帝戶桃岸紅仙源霖灑送晴曦

天藻留千篇嵯峨曲江濤層冰壓雲端排空金銀見勢
壘百丈顛壯哉水之奇我

皇觀其瀾並海

詔移

蹕取道江寧還金阜對石頭蚪踞雙嶙峋攝山茁靈藥

用供

聖母盤吉行過維揚

親覽于河壩

聖人之所過轉乾而幹坤繫此海與河

聖謨何諄諄越海歲潮汐比鬻北大壘懸沙萬椿下始
澁旋搖掀迤內數十丈田廬嘻可捐繩石勢弗便積薪
根須墜下甃盛以落歲歲期牢完尖塔兩山峽橫壩當
潮身胥躍而種趨絕流止其奔急助以竹木築石徐施
功從此高竅吼不駭而歡欣夜聽卧益穩晨入耳飽餐
浙人永永賴刻石

訓于山江南地瀕河北宿南寶泉高堰石龍堤鏤骨加
尾鱗洪澤河橐鑰翕關

皇所權先

召大臣視流別江海沿

帝來乘四載講求貫天根自邵伯以下滌滄河身寬東
西壩勢落尺波銜江脣金灣六閘間甃石防漲漫清口
疏挈領高卑晞湖湍上浸一尺水下闢十丈門萬夫荷
捷鋪收發警轉環權輿二十丈喉暢腹自便白躋秋汎
匿青箭中流穿駱馬注六塘淤缸鏟平灣鑿岍斟盛潦
蓄洩應歲年澤國勞

帝咨

特除所司專

申命告大吏便宜輒以

聞大哉我

帝力爲民謀鑿耕經營河海上惻怛形於

言屬者

巡下土租自今年前歷冀兗徐揚九州四除蠲襪禳雨
感澤茅茨日愛暄謳誦喁喁聞

詔令惓惓班農事重在本庶政務所先

國有舊黃髮庶老耆且頌扶杖拜盤辟

嘉賚示子孫褒然諸文學奏

御固與駟

帝爲置高等寵之職絲綸戒路或除道吏士悉蒙

恩肆眚及有罪咸予以自新旅舟戒勿避商屢惠用均
悍卒驚隳突奸胥摘因緣載文以寧一易雕爲樸淳凡
茲所有事

聖人意勿諉惠于南邦民呀舞振

軒轅四月

格于魯

孔林鬱盤桓

詩可詩集

卷四

七

帝曰予省方洙泗觀斷斷自昔遊宮牆幾轉羲娥輪車
服器宛在楷檜風肅然降

輿升自階金撼玉在懸惟古告厥功釋奠陳彝樽況于
聖人居受成

先師尊武定崑崙虛文洽牛斗分音懷允頌璧義展非
亭云今者

躬將事來蒞闕與壇乃知先後揆

聖符獨有真穆矣金絲堂登降聞淵淵百年禮樂作受
命惟

聖人畢事

升興行天下所聽觀旋

蹕迓

聖母至于潞河濱愉愉

天子孝行殿侍饗殮龍舟稅十二扶導

金根軒五月還

京師道左同迎

鑾臣聞唐虞初四巡史氏編六年王時巡其文載周官

震動而恪恭欲周知民間載考跡所訖冀方與周原君
舉必有書實錄何失傳豈伊制則備歲事闕未行

國家有六合

筒河詩集

卷四

三

列聖肇敬勤在昔我

仁皇天健取諸乾

九伐漠北駕

六御江南遵皞皞六十載

世廟繼益虔我

皇紹

祖法時豫承

親懽

玉食合地載

屬輿行天圖希光並仰流周

智濟以

仁歲歲

觀下民

澤與

天無偏準之于自古

功德莫與倫竊願附樂職作詩中和宣

題瞿生所畫登山望雁圖有懷石君卽以寄之

前宵涼月明如珪雨聲今旦愁塗泥陰晨晴夕兩慄慄
塞雁叫屋南飛低平生入耳未聞此瞿生下筆邀我題
把圖審視更傾聽所思不見心酸悽圖餘大半唯素楮

微雲淡淡天無翳數點著點極遠勢萬里寥廓猶聞啼
毛摧羽損了不辨蒼茫秋色空玻璃回觀卷首幾峰石
有人長立山之蹊引領盡目望飛處企足雖奮難攀躋
嗷嗷與爾復何有雲平沙軟從安棲嘻子遠與親愛別
心所欲往身淹稽人生離索始憔悴箇中顏色何其黧
知生至性見筆墨此幅慘淡真天倪我有弱弟在閩海
生小長大肩初齊北翼胡爲向南去陽鳥應日飛東西
六翮豐滿志四遠翱翔安用儕鳧鷺故洲飲啄有儔侶
春鉏俯仰隨山犁長鳴相呼堤草長三年能不懷萋萋
天遐地濶適中路力倦知息途非迷感茲畫詩寄遠

更憑高鳥繫赫蹏

山中三首

驅車上西嶺日午稅墓田村犬怪客至長吠當柴關排
戶解襪被出觀溪流間潺潺下瀨急過石微翻瀾岸上
柳葉脫向晚生空烟四圍來山風始覺衣裘單且引一
壺酒以禦今夕寒

秉燭問農叻絮語近來事土壁秋蟲唵儻忽十月內卧
聽野人言念之久不寐年年官借米春給秋轉累六升
償二斗米半穀非倍况乃今秋潦柴草亦踊貴桑乾河
隄上防河丞與尉騎馬到村村更以縣胥至日告諸父

老助我力一臂大材束薪千小材三百柴手持一鐵環
其圍五尺既束當過我圍不及汝更致上官有迫督非
盡出我意我知汝艱難公事慎勿避今年雖云歉來茲
定豐歲

朝旭升團團遠山動金碧溪清踏沙行游魚隨人跡越
溪度田中已綠明年麥訪古試摩挲往代有碣石想當
豪貴初歸骨猶烜赫松楸一以伐子孫僅餘宅公侯與
畎畝相代何足惜不聞古達人歡飲墓田卽望雲而臨
水慙歎此役役溪聲莫相送山中留亦得

癸未

新吳

新吳李先生爲鄉之經師夫婦旣偕德七十稱壽卮鄉人曰先生弱冠文早奇屢困乃益通未嘗求人知非獨工于文至行孝且慈堂上事父母低聲色何怡老父病墮卧不脫帶與衣澣濯及踰厠問藥走拜醫二親終天年棺身悔無貽庭之樹庇根烏反哺于兒先生曰我人敢不報其私家有中人產其意在博施社粟與義田蠲置以歲時甲子穀涌貴出稻救其饑未嘗有德色鄉人咸所依宅東有廬一築以牆周圍凡學者咸來延師以教之要觀河中鱗一一飛天池平生誰喜愠是是忘其

非鄉人有爭者薰德不忍欺中堂有嘉耦德與先生宜
是用諸郎出山澤瑀璣暉先生訓以謹于物無求肥民
生在自勤衣食身所資外則焚膏油足照汝書詩人或
多劫劫願以餘相遺安得安者語使彼生意滋蒸爲四
和氣百物同遊嬉癸未秋七月二老生之期長君奉檄
歸諸孫拜參差偉哉堂上人背鮪齒生覲作詩紀實行
其本鄉之詞

癸未初夏趙舍人損之吳庶常冲之孝廉泉之來

卜鄰時時過從余與舍人孝廉數有倡酬而庶
常方應 廷試未遑也暇日檢舍人集有用昌

黎贈崔立之韻奉贈冲之作輒依韻作一首索
和庶常才甚高而余詩乃復爲下里之易易意
欲應之者不獨庶常一人而已

我才故拙無由敏苦吟鎮日聲欲盡卜鄰誰氏結綺疏
聯袂高歌轉激軫漫漫雙笛刺孔通泠泠七絃繞柱繁
令我情移海上山坐看樓臺仰吐蜃祇驚飛駕失虬螭
聊發小鳴竅蚯蚓持畚頗竭愚公誠行汲寧辭美人哂
忽枉趙和吳更繼天然二妙難邢尹皓齒清瞳態萬方
顧我支離真自窘吳郎有兄貌隱嶙別構幽居好欄楯
蹲甲早聞穿七札乘材未示絕兩靽想當刺劔誓交胸

莫漫投鉛恐脫臙我遭二子又逢君不必交綏知邁閔
昨者 明光舉袞然下筆百變千鈞引展衣初試蒙綳
絺越席重敷折竹筍升躑所尙驛且憫歎玉不在黃而
牝氣蒸四鎮上環嵩才放九江直導箇漢廷第一董與
孫此席捨君孰可忍我之所鑿果不爽從今紉薰共矯
菌開徑獨搏焦原彫連牆爭射高墉隼便當低頭拜孟
生敢托彌明項菌蠢文章所貴非皮毛要以理致爲心
腎至精會是却批糠大巧終未乖繩準得之自內乃不
朽游與太虛那得殞昔人有意在心知此語鬼神定可
吟諸君更和吾請從戶外驚塵任勞泯

用韓韻奉贈冲之損之冲之並有和作再叠前韻
各報一篇

長卿遲工少孺敏趙君得之乃兼盡筆驅士卒健且超
多多益善何殷軫我詩似以腐儒來深衣大帶束縛緊
興高萬里鯤而鵬才弱十月雉爲蜃子今縱意真猶龍
我卽充操亦必蚓窺君駢合忘後憂迓余跛登動微哂
我知非敵苦黜子遮子發言我學尹謂當一揮露鋒鏑
直欲萬夫避槩楯胡爲金馬飢奉囊猶令玉人勞續鞞
將才且教胯試俯兵法何妨足暫牘夫人不言言則中
怪子名字偶同閔嗟我聞歌不自量強和羽刻連商引

遭強忽驚鈞壓糜振籜無疑風卧筍出奇況據山岳雄
搜幽直到谿谷化若來憑軾詎當車便欲誅茅請貢籩
放子出頭夫何敢要余折腰姑且忍如今繁管漫嘈啾
誰聽孤笛鬱嶼菌獨工往復喜見子仰空萬羽盤高隼
卽張旗鼓奮前茅肯美潢汙逐小蠹亦知文章定有神
非關伎巧徒司腎古人之作豈眇茫願上虛空尋則準
紛葩爛爛謝朝披落實纍纍收夕殞相期白歎觀乎成
始識黃純不見吟和子重陳心所儀吾其息喙甘泯泯
損之再用韓韻見和大暢名理會有所觸四疊前
韻以盡吾意非好爲支離而無所底也

白駒過隙去何敏况我當之才更盡君乎元論百瀾翻
二十八宿環角軫偶捫觸石詫雲奇屢溯飛瀾歎水緊
慕鳳頻勞澤顛雁好龍且試腹盡蜃鞠通真自操孤鸞
度古烏能趁大引聊和萬首新知樂豈問千秋後來哂
君詩貴重非吾偶介弟無端對縣尹適來招我向蘭池
不問誰何徑相窘大師壓境乞命難奇計巧思獻勞楯
君復不受更火攻焯焯日轂連虹鞠請罷甲兵日誓殛
有踰城郭其刑牘擾擾尋師何日休無乃少樂徒多閔
君茲更以清談投意緒軋軋工抽引古來理在過雪鴻
我輩情多苞淚筍終朝挾書輒漂麥三年乘馬渾忘牝

放棹尋花感晉桃到門款竹爲荆箇美人相見定難忘
不覺情懷祇忍忍近來頗憶彭殤年此事非殊晦朔菌
密語愁聞幕上燕苦心思托雲間隼若要衆芳同臭味
且與羣生樂跋蠹難除詰屈九迴腸終費雕鏤五色賢
谷空愁予足跡稀地偏決爾心遐準卽喜遷喬卜數間
可要列第煩九殞他時子莫逆于心少日吾請言其畛
便應八德付六合彼此論議從今泯

王生西文用韓韻見投五疊前韻答之

余愚慕古務時敏思日孜孜浩莫盡子來關外卽余遊
大車無蓋驅空軫廣野放意正蒼茫朔風張詞逾高緊

胡爲角羊隨羸藩無乃愛馬溺盛屨先生兀坐人海邊
欲釣吞舟餌蝸蚓三年持竿無一得面不慙羞看人哂
我味修鱗愧漁師子其鷲鳥學隼尹頗開心搜八代奇
無救家徒四壁窘妄想千間得大被欲使萬物咸引楯
一樂真能養噉菽百行何憂御失朝信非病也知子貧
忽從兀者忘吾牘嗟予窮年空矻矻有類望歲勞閔閔
窺子意思喜語子起擲長繩向日引空外飛光龍種駒
我輩實學竹萌筍毋曰予聖以自雄亦知至陰之生牝
室虛而白照搏柔矢激則遠擢籥笛大道難成學可忘
故書不熟讀且忍若任飄風日轉蓬何異蕭斧竟伐菌

古之至人且勤學博及飛龜與集隼誰云束書可不觀
試仰翺翺俯蠢蠢惜影呼鏞煮羊胛及鋒求劍鍛兔腎
坦坦還期猛心濟堂堂可要飽食準平昔愁聞風葉聲
最是空堦一片殞早已達生本無涯不聞勸學亦有吟
得知千載賴詩書此意由來未能泯

龔子鑒戍用韓韻見和中篇頗致令兄子鮮原隰
之痛六疊韻答之

荒談吞卵辨履敏遂古之初孰窮盡降而百物制尙象
輪輻三十蓋與軫刻鳶卽見羽翼成圖駿且須筋脉緊
何況文章有精理久之明月胎蚌蜃龔生比荀家龍頭

角泥沙別蜓蚓四靈撥爾先覩快雙美粲然相顧啞我
初識子以子兄其年同舉京兆尹天生爾受孔子戒人
倫不信重華窘耀耀靈芝生階庭爛爛德星聚簷楯陸
王合轍欣執鞭韓杜聯鑣誓斷鞅要追泐襲問萋聃肯
事鑽笮苛黥臙子年十四志絕人被褐相期顏共閔今
過二十江南來別我遠去夫自引成學大鳴孤羽鳳歎
逝偏傾雙石筍重見難忘感過車不會真同乘字牝聞
子身扶兄櫬還一痛題詩徧修箇買田陽羨卜薤骨子
瞻已矣吁何忍我謂達人齊死生長年豈必悲椿菌記
夢行將自迷蝶逐物何嘗有定隼我銘子兄久踟躕幾

李鴻言少
卷四
二
歎靈哲同茫蠢子今形變痛在心切莫乾肝更傷腎堂
上二親顧子娛至情雖過亦有準器達珪璋終可庇材
成松柏始難殞騰蹕萬卷足波瀾貫弗三古何封畛衆
人多怪子勗哉要之於道言不混

韓韻六疊竭矣退而檢閱金石諸刻方欲從損之
冲之乞吳時靜安寺碑於上海從鑿戍乞國山
碑於宜興聞諸君紛紛更作因七疊前韻布此
意於三君並東錢辛楣學士同年且索和焉

近都漢石多名敏

金石畧載賈敏謙敏二碑在棗強縣又正定無極山碑亦云丞敏

立

意網羅安得盡唐寺猶藏二舍利獨駕城西輒紆軫吾

友趙吳宅寺傍欲訪更愁詩債繁見之累饜九鼎列我
亦紛紛羅蛤蜊詩成賴付阿買寫亂草秋虵間春蚓介
于兩大不改圖無乃溺人空索哂凌雲飄然嘆賦馬清
風穆如聽誦尹龔生何來傅之翼三人成虎窮哉窘冬
力爭較獲鄙說利兵合試矛戈楯無庸尸祝代兩樽何
當車右攝一鞠我時舌纏兼口喏心知此辱同唾臚比
覽岐嶧想猶斯時撫參騫識曾閱三古文字在碑刻廟
牢旁麗窆下引幽居長日拓本開次第年月籤排筍中
嶽飛雉或銘編苦縣浴神更述牝

上句謂開母廟石闕
銘下句苦縣老子銘

序云或有浴神不死是謂元
牝之言好道者觸類而長之頡書匡失陽虛名禹字篚

將雲夢菌除壇魯國官祝其

莽居攝二年祝其卿墳壇石在曲阜廟中近時趙顧

諸家俱

培地秦人系胸忍

曹全碑明萬厯中始出碑稱其高祖父敏嘗爲巴郡胸忍

令中土落落足輶軒誰訪百濮間九菌漢人蟲鳥晉家

鷄欲之必得貪如隼旁開唐代則宋元孳孳檢柙迪乎

蠶所好聚物雖快心以智藏往空勞腎古人地下若可

作未禁汲冢發不準逸事闡令朽骨生別體讐方飛葉

殞吳寺卽在二君鄉國山况接龔生畛

鑿成近買田陽美且卜居之

乞碑送與好古鏗

謂錢學士辛楣

金石著之母滅泯

蔡生子嘉和子用韓韻詩八疊韻以答之

至人之好惟敏敏學者之蒐乃盡盡吹萬偶然號衆竅

散六何啻載一軫冒人而形狀魁梧羣虱其間聲細緊
無端植或作野麟相與價卽加市蜃我嘗三年學屠龍
木暇一心私愧蚓望古遙發慨然思得子喜爲莞爾哂
相從載酒語桓生獨居興歎箴籃尹連年學盡馬君長
邇日家如犬子窘戰誓必死破金甌算已無遺到裨楮
邇藥仍教事澣統明器空勞設轡勒莫憂抵鵲遭屢刑
寧須食兔糞全贖待沽君子又何求成學有司當不閔
子真逸才雖少淹我有古義請重引禮貴大武可用粗
樂取搏身以爲筍鴻漸勸學有往來蠶理爲文無牡牝
養棗安庸還味捻種竹會致聆風箇物將適用恐不免

時乎卽至猶須忍况聞式玉且相金倏見埋苔更壓茵
不妨翔共鏘鏘鳳何爲飛學穢穢隼感悴烏知秋可愁
當榮未覺春爲蠹道渾鼠肝與蟲臂義窮鹿胃及雁腎
乃信百城不易樂惟有一杯差可準好名早自忘浮休
責實還應悲隕殞終期有畔托一邱那得舍田事干吟
子母鏤刻徒雕文我已元通行合泯

馮光祿君弼見和予用昌黎贈崔立之韻九疊韻

奉答

早慧誰知敬通敏知君久久嗟未盡美人何來雁門道
手泛金徽間玉軫一彈元露調已清再搯孤鸞韵更緊

靜忘嘶樾仰騏驎怪見翻瀉出蠨屨頗聞鯢魚當化鳳
亦知阜螽或匹蚓如何子肯與我友相視居然成一哂
憶我少小態轉狂不比稷契聊虺尹君時名聲已早聞
膽大于身色無窘周郎

謂周筠
溪舍人

未老張子

謂張比部
前輩元禮好

會飲高礪臨曲楯飛飛隙駟去如風六轡中張旁挽耒
離文一時隔午照庚年八月遭金牘我住銅門感離索
君歸沙塞聞哀閔到今離合十四秋還共文辭針石引
近知此事要生意古松上蓋竹迸筍神淵感通卽沈瑛
名山禱祀或創化溟北波飛積雪冰嶺南石走罅桂窟
彼造物者工爲文吾輩胷中鳥可忍請爲部勒開兩軍

清晨蓐食旗張菌紛紛兔狡與狐媚掃除試看霜秋隼
藏于天地誓大師出之水火哀允齏黃理軒轅體得心
素思元冥名呼腎古人聲音本性情子其吹筒我製準
技精百物龍可參法說三年雉自殞漢郡險隘在錯壤
周疆溝洫皆通吟曲喻論詩報古人開徑毋教子跡泯

書茅鹿門先生與其子章邱令國縉手書卷後

并序

湖州茅君鳳持其六世祖鹿門先生坤所手書

家書一卷乞題書凡五通合爲一卷並先生仲

子國縉令章邱時書以寄之者也其三通之首

有月月一書四月十六日一書七月十七日一

書九月十六並作書之緣起非致書月日也卷
中最後九月十六一書中且及十一月二十一
日事然有云我自今年五月以來知爲是年中
所致書矣書中書月日而不書某年其最前爲
四月十六日書末云七十三老父書按國縉所
作先生行實雖不自著其令章邱之歲然云先
生辛丑十一月壬戌日卒蓋萬曆二十九年也
云年九十逆數之至萬曆十二年甲申先生年
七十三是爲作書之年又按題名碑錄國縉萬
曆十一年癸未登進士第名在三甲一百八十

有八其明年乃令章邱矣其二通無月日與三書詞事比屬知並爲甲申年書一書凡六條大畧言慎牌票省詞訟諸事意卽四月十六日書中所云前所手書作縣科條二十章之不完者夫曰前則此六條當列在四月書之前而今反在其後又一書後闕不完書云細詢快手指言汝所行事似與上下交孚夫於快手之口而可以觀縣令上下之孚則知此快手卽是九月十六書中武定道遣來請墓表者而此書或卽所謂令快手順賞之且報汝伯父之變而十月猶

未達者也報變之語書中不見或適當其闕處
耶按快手以九月始至而此書又在其後則當
列在七月十七日書後無疑而今反在其前此
二通以不書月日故裝者隨意顛倒失次不可
以不正也又按先生文集載其論縉兒一首書
云吾年去令伯祖母劉尚十歲蓋先生年八十
有六爲萬曆二十五年丁酉又在此甲申數書
十三年之後矣其時國縉已自章邱入爲御史
壬辰挂吏議補浙川令又量移南京部郎以疾
乞歸比先生之卒也僅五六年而先生是時顧

聞其子再請乞假至怒投其書于地手書責之
必使之出且曰畢生耿耿未了之志付之汝輩
余初竊以爲達人不當如是旣而嘆曰嗟乎爲
吏者人相賊君子不入故達者往往相慕悅耳
若夫古之人所爲豈獨功名之士云爾哉其所
謂畜道德而能文章者不惟其身而必欲以其
所能爲者有以善乎人不惟以此自誓而且必
欲世世誓其子若孫嗟乎卽其志非今人之所
有也此書五通者先生集不載間取而讀之其
所陳義視集中一首尤詳且盡然則先生古文

辭之可喜而散失不傳者當不止此而此卷特以其孫鳳之賢故謹而藏之以至于今余既爲考其歲月次第而重爲之詩時乾隆二十八年歲在癸未八月三日也

白華樓高文逸寄家書獨載論繙兒怏怏投地怒乞假未若手跡和且夷先生遠祖荒千里幼拜其像神俯窺屋華伏雌分叔季先生烹而以餉師想其小時已了了出忤三相誰能爲貴溪分宜及華亭唾之不顧去委地羽衣飄飄夢自放歸來六博窮邀嬉時狎歌者前跼屣一顧薄醉聊支頤五十年間卧苔雪晚見仲第連摘髭

去去初作章邱令先生致書勗以治六條刑政重示手
三札日月粲列眉勤倦骨肉篤恩舊淋漓楮墨有涕泗
青陽丹徒以身訓猷不自足形乎詞上言鑒覆而代虐
兒饑兒寒視父慈下言處善善歸上忘身徇民貌貶卑
中稱中牟與單父治行汝父猶愧之惟漢循吏宋名臣
補父不逮汝矩規讀之反覆三嘆息此意三古遺風詩
小棠敗拜歌以咏其人雖往樹則思聞先生到青陽官
兩匝月去民生祠已而丹徒瞰潮汝山田減賦江田宜
先生猶子述逸事大江以南千里饑是時勸賑方積弊
大吏儻責色不移從容進言乞符出請借一室輪流離

得符來縣坐廳事問司魏勲田者誰六人行行武弁至
先生曰汝死不知民餓且甚變且作汝爲主歛民膏脂
今當縛汝謝餓者出使者符賊汗滋乞出粟贖命之去
明日百艘排江涓丹徒民活大吏喜姜尙書寶書之碑
嗚呼當時富室橫先生智勇能調劑富嗟盡矣貧欲死
徭役所剩惟骨皮歲卽有凶賑無濟道路兒女空號屍
不知先生有何術一爲起此瘡與瘕祗今手跡宛然古
一經傳後裔孫持麟美人厚有公子雀告清白在本支
乃知庭誥意有在要用所學國可醫我敢以此箴百吏
瓊琚相賞先生悲

錢蔣石前輩齋前秋菊盛開招諸公飲相與賦詩

自成墨菊長卷暇日持示爲書其後

丙戌

先生種菊如潑墨先生畫菊疑花開傾歆窈入屏幃寫
濡染不要町畦栽長安三間老書屋深秋畫掩書成堆
先生索句時掉首瞥眼一爲黃花貽高除低砌自采采
盈握插鬢飄於鬢欣然折簡召同好誰其賦者人那枚
紀邵戴秦又張顧聯翩換却金魚來搖毫攤紙意始放
題花一字傾一杯弟子清容更清絕淡想欲到花初胎
先生沉醉乃下筆玉山是日人人頽客散明朝宿醒醒
昨會過去仍低個連牽丈尺鋪大軸觸手萬朵金英催

先生自言我種此陳根小孽新芽胚倚墻著石隨所置
溽雨一發爭蒿萊花從蓓蕾見根下嫩綠平覆青青苔
拖枝或壓重露滴健葉不畏晴陽咳名山古德有淡泊
茅簷高隱偏崔隕蓬頭亂髮縞綦見瘦骨皺面誓焉惰
以此擬議極情狀日繞百而循予咳興來拂拭成此卷
頗悟菊理黃中該吾聞鄴谷大菊水無人自長連崔嵬
枯枝敗蘗倒風雨高蘂又茁前年蓼英英落水飲者壽
靈境不許通塵埃先生何處得花態此中人語無庸猜
留觀不覺歲年逝看菊三度登高臺

書查儉堂太守榕巢圖後

丙戌

丞相種松道翁藝將軍種梅山嶠嶢自廣而西幾千里
太平太守留榕巢一榕分注廣廈覆二榕合抱重門交
此榕臃腫更偃蹇卧壓池面剛橫梢一梢直上蓋雲日
兀兀人立垂髮髻枝間縱橫容幾許數楹精舍餘堂坳
太守治郡日無事畫戟間列風揚旛偶來臨眺到池上
相度此樹堪誅茅便架竹木敞牖戶綺疏屏却編索爨
炎方何處得高寢鼾聲且學深林咆醒來抱牘立小史
卧埋不用煩榜敲時召秀民進髦士執經升木非猱教
久之榕間自成徑頗怪廳解兼庠膠不言而成信有是
有巢之化傳四郊我聞榕老象離腹伽侑馥馥中胎胞

太守之馨曰吾德巢中寂坐馨聞包豈但香可致鸞鶴
卽看林已懷飛鵲蕭然行服一朝去愛人思樹空蟪蛄
越時太守亦戀戀其民愛我我忍拋舊巢宛在命圖畫
細書作記門生鈔天都傳觀哦以咏諸公險句牙須聲
我詩寒窘况宅朔不見紅驛南雲炮嗟身所寄亦何定
食飲到處同懸匏安得召雷移植此從公日夕載酒肴

金霞山已丑

開門向西笑清曉翠色攢亂影晃層壁去上金霞山褰
衣捫遺褐姓氏髣髴傳老僧爲絮語築寺茲嶺巔往時
豪富人走卒口沸喧山根孤塚存穹石無一言二十年

我來松柏猶參天白楊搖深宵至今在耳喧人生本匆
匆死後更如奔不見王侯墳空有翁仲閑徒倚殿砌
下已芽碧牡丹超然悟生理勢已催春闌四月花爛發
去去行來觀

昨暮已丑

昨暮漫空絕一鳥曲巷迴輪落花繞驄馬

謂暮堂

今朝扶

我行曰去陶然亭上眺我輩身間跡太忙無乃城闕刺

達挑出門况又遭彼美

謂兼士

請與同車頭不掉相將四

五走如飛得得疲羸疾驟裏乘軒觸凍豈無人素心農
父茲遊少初來空澗已可喜斫盡蘆根極望瞭參差磚

喋臺閣出引我雙鳧上縹緲竟從拾級開重窗涼涼天
色難昏曉遠峰近樹到平地吞入甑中真飯鼎西來蒼
翠盡模糊何數擔囊寸人小斜光短短晷亦寒恰好微
消白未了徙倚亭柱立西風涼冽難留身更矯此境非
常此地頻忽憶陰儔王與趙謂蘭泉天邊馬踏無雪處
靜數曩遊神已悄人生無事共招携信步城南百市遶
越冰度樹匆匆去急叩髯翁索清醪夜來燈火縱橫談
所得已多聞不謏遲歸那苦醉尉阿居近吾能穿隘湫
古云樂死豈妄語相見無期志惟噉後期可卜急須會
莫遣清遊逆擾擾

補三疊前韻報冲之癸未

我以淹留當子敏非鬪楚秦力則盡趙君旁睨意如何
此計公然學陳軫千賦奏成動三江九州遊半覽十繁
比翼來巢翻濟鵠交光排闥歎淮蜃相見無煩贊雉雞
是月初當出蚯蚓得見虵珠庶慰思謬投燕石聊共哂
八珍果覩列享殺一束何庸數祭尹壯哉君詩四壁立
令我拘囚中坐窘祗今一篇導鸞旂旋見雙行拏獸楯
角鷄新開繫脛縑汗龍驟放當胸鞞有芒更繞扈稽身
無力真愁孟說牘平生愛才見子遲喜劇連朝轉自閑
何當過從秉燭遊詩思根觸杯長引頗聞城東種萬柳

潦水頽垣長蘆筍天陰格磔聽逐婦珂澗騰驤眺遊化
拈花春事過桃梨寂照斜光延鑪箇重說塵埃佳處稀
遊興今宵已難忍酒行約載舊澤酸盤羞呼佐中馗茵
臨水會須樂鱣魴望雲未可慙鳶隼安能小慧更相矜
要與羣動聊同蠢非子天機清妙人子其敢敷心腹腎
逸韻方曰率意成同心忽以離居準縱云黃昏不改期
恐至紅葉行看頽移居古寺傍名園阡陌猶應戀故畛
勉來倡和偕趙君莫使風吹跡湮泯

鈔筇河詩自甲申至己丑闕如蓋此六年所作不多

甲申乙酉丙戌廢業之時其少也宜丙戌得二首已

丑得二首補癸未一首珪識

晉詩集卷四終